



Nuuk 07. December 2015

Inatsisartut suleriaasianni § 37 naapertorlugu apeqquteqaatit imaattut naalakkersuisunut ingerlatippakka.

- 1. Ullumikkut Kangaatsiami imeqarnikkut pissutsit naalakkersuisunit ilisimaneqarpat.**
- 2. Ilisimaneqarpata, piffissami kingullermi imeqarnikkut aaqqiiniarneq iluatsissimangippat naalakkersuisut qanoq iliuseqalersaarpat.**
- 3. Imeqarnikkullu aaqqiisoqarnissaanut aningaasaliisariarneq pisariaqarpat Naalakkersuisut tamatumunnga piareersimappat.**

Hans Aronsen, Inuit Ataqatigiit)

Tunngavilersuut:

Aasaq septembari naalersoq Nukissiorfiit nalunaaruteqarput Kangaatsiami imeq taamatut atorneqartillugu ukiup issinnera qaangersinnaangikkaa, taamaattumik iliuseqarput innuttaasut imermik atuinerminnik sipaarniassasut.

Septembarilu aallartilaartoq Qaasuitsup kommuniani Borgmester tusagassiuutitsigut ammasumik aarleqquteqarlunga allaffigaara iliuseqartariaqartoq, imeqarnikkut ajutuuissagutta isumaginninnikkut annertuumik sunniuteqaratarsinnaanera ilimagisariaqarmat. RG-llu tunisassiorfiani sulisut 50-siuni 30-it ingerlaannartumik soraarsinneqarput, sulisut ilaqutaqarmata angerlarsimaffeqarlutik pilersuisuummata. Qaasuitsup kommunianiit ilisimaneqarnissaat pisariaqarmat allaffigaara.

Ajornartorsiullu qaangerniarlugu ukiariaq sullattoqartoq ilisimavarput, ullaarlu paasiniaaninni paasivara ruujorit imermik maqitsilluni atungassat pumpiat sakkukippallaarluni maqitsinissaq iluatsissimangitsoq.

Ruujorit maqitsissutissat massakkut qerisooqqapput, pumpit sakkukippallaartut atorneqarsimapput, kiisalu suliamut aallartittoqaqqippat sumiiffimmi sulisut suliamut aqutsisinnissaat pingaartinneqartariaqarpoq.

Aningaasaliineq periarfissaangippat naalakkersuisut Nukissiorfinnut ajornartorsiutip qaangerniapallannissaanut piaartumik qulakkeerinninniarpas.

Apeqquteqaatinga malitassat malillugit ullut qulit ingerlanerini akineqarnissaa kissatigaarattaq.